

👍 **DOBAR**
👎 **LOŠ**
👎 **ZAO**



👍 **BORCI PROTIV KORUPCIJE**

Američka ambasadorica u BiH Maureen Cormack dodijelila je nagrade za borbu protiv korupcije zviždaču Danku Bogdanoviću, glavnoj kantonalnoj tužiteljici u Sarajevu Dalidi Burzić, posthumno Almi Šehović i NVO Justica iz Srebrenika. Uručujući nagrade, poručila je da vlasti BiH moraju u potpunosti provesti strategiju i akcioni plan za borbu protiv korupcije.

👍 **PERICA STANIĆ**



Osobe koje su učestvovala u oružanim sukobima u Siriji i borile se na strani ISIL-a nakon povratka u matične države predstavljaju potencijalnu bezbjednosnu prijetnju, pa su zbog toga pojačane policijske aktivnosti, naglasio je u intervjuu za Oslobođenje novi direktor SIPA. Stanić poručuje i da su u toku istražne radnje kako bi u potpunosti bio rasvijetljen teroristički napad u Rajlovcu.



👍 **SREDNJOŠKOLCI**

Učenici sarajevske Srednje škole metalških zanimanja su u okviru Dana škole priredili humanitarni party. Ulaz su naplaćivali slatkišima i igračkama, a prikupljeni prilozi predati su Studentskoj humanitarnoj organizaciji Ruku na srce, koja će u okviru akcije Nijedno dijete bez paketića pakirati novogodišnje darove djeci iz socijalno ugroženih porodica.

👎 **BRATISLAV GAŠIĆ**



Primitivno obraćanje novinarki B92 Zlati Labović, nakon posjete fabrici u Trsteniku, koštalo je ministra odbrane Srbije Bratislava Gašića fotelje, a povlačeći ovaj potez, srbijanski premijer Aleksandar Vučić rekao je da ovakvo ponašanje ne smije nikome da se dogodi. I kod nas se mnogi sramno ponašaju prema ženama, ali nema Vučića da ih smijeni.